



PROGRAM PODRŠKE MARGINALIZIRANIM GRUPAMA (PPMG)

JULI 2017.

PODRŽAVAMO UNAPRIJEĐENJE POSTOJEĆIH I UVOĐENJE NOVIH MODELAA RANOG PREPOZNAVANJA RAZVOJNIH POREMEĆAJA KOD DJECE



USAID-ov Program podrške marginaliziranim grupama osigurao je dodatnih 500.000 KM za unaprjeđenje kvaliteta života djece sa razvojnim poteškoćama u BiH. Ugovor o dodjeli sredstava za provođenje istraživanja o modelima ranog otkrivanja i načinima tretiranja razvojnih poremećaja kod djece, potpisani je u ponedjeljak, 24. jula 2017. g. u Sarajevu u prostorijama Programa podrške marginaliziranim grupama. Ugovor su potpisali Jasmin Bešić, direktor Programa podrške marginaliziranim grupama i Nirvana Pištoljević, izvršna direktorka Udruženja za unaprjeđenje obrazovanja i podrškujeci sa i bez poteškoća u razvoju "EDUS - Edukacija za sve".

„Na osnovu istraživanja bit će razvijen model koji će omogućiti rano prepoznavanje razvojnih poremećaja kod djece. Rana detekcija je vrlo važna jer omogućava da se, uz kvalitetan tretman, od djece izvuče njihov maksimum što će im osigurati i veću uključenost u društvo, a u konačnici i kvalitetniji život. Što se prije počne sa tretmanom veće su šanse i da se potencijali djece maksimalno iskoriste.“ - poručila je Nirvana Pištoljević, izvršna direktorka Udruženja "EDUS".



„Mnogo je marginaliziranih osoba u BiH, a djeca su svakako jedna od najranjivijih kategorija. Nadamo se da ćemo kroz podršku ovom istraživanju djeci sa razvojnim poteškoćama i njihovim roditeljima omogućiti da po prvi put imaju pristup najsavremenijim naučno utemeljenim metodama rada sa djecom s poteškoćama, te poboljšati kvalitet života za djecu i njihove porodice.“ – istakao je

SADRŽAJ

Podržavamo unaprjeđenje postojećih i uvođenje novih modela ranog prepoznavanja razvojnih poremećaja kod djece	1
Žene u Zvorniku podižu 18 novih malinjaka	2
Potpisan ugovor o dodjeli granta FK Birač iz Dervente kod Milića	3
Više sreće uz „Krug ljubavi“	3



Jasmin Bešić, direktor Programa podrške marginaliziranim grupama.

Razvojem modela za efikasniju ranu detekciju, dijagnostiku i intervenciju stručna javnost u Bosni i Hercegovini dobit će normiran i validiran primjenjiv model specifično kreiran za bosanskohercegovačke uslove u radu sa djecom sa razvojnim poteškoćama. Model razvijen kroz istraživanje bit će preporučen i nadležnim ministrstvima kao standardni obrazac za rad sa djecom sa poteškoćama u razvoju.

Ukupna vrijednost granta je 501.517 KM. Istraživanje i razvoj modela rane detekcije, dijagnostike i intervencije počinje u august 2017. godine i bit će prvo ove vrste provedeno u BiH, a traje do 31. marta 2019. g.

Sredstva su namijenjena za podršku ženama žrtvama nasilja, ženama sa invaliditetom, nezaposlenim i mladim ženama. Sve korisnice programa su istakle da im ova pomoć mnogo znači, jer nisu u mogućnosti da sopstvenim sredstvima započnu uzgoj ili povećaju postojeće zasadne pod malinama.



ŽENE U ZVORNIKU PODIŽU 18 NOVIH MALINJAKA

Korisnice USAID-ovog programa podrške razvoju biznisa marginalizovanih grupa žena, sa područja grada Zvornika, njih osamnaest, u julu su potpisale ugovore o korištenju finansijskih sredstava za razvoja malinarstva.



Ukupna vrijednost projekta koji zajedno realizuju Grad Zvornik i USAID je 60.000 KM, a svaka od potpisnica dobila je bespovratna sredstva u iznosu od 3350 KM koja će moći iskoristiti za nabavku osnovnog materijala koje su im potrebne za nove zasade malina i uplaćivanja radnog staja prvu godinu rada, rekla je Amila Dedić, konsultant USAID-ovog Programa podrške marginaliziranim grupama.

– Ovo je program gdje su USAID i Gradska uprava Zvornik formirali fond od 60.000 KM za razvoj agrobiznisa marginalizovanih žena, a nakon javnog poziva izabранo je 18 korisnica koje će dobiti sredstva za nabavku sadnica malina potrebnih da se zasadi površina od jednog dunuma. Naš cilj je prije svega da pružimo pomoć marginalizovanim ženama i njihovim porodicama u stvaranju što boljih uslova za život – rekao je zamjenik gradonačelnika Zvornika Bojan Ivanović.

Među prvim potpisnicima ovog Programa je i Zorica Galić iz Malešića kod Kozluka koja je istakla da se ona i njena porodica se bave uveliko poljoprivredom te da očekuje da im ova sredstva obezbijede proširivanje proizvodnje.

– Zahvalna sam na organizaciji ovakvog projekta, prije svega našem gradonacelniku Stevanoviću jer ovo će nam puno značiti i omogućiti da proširimo proizvodnju ali i proizvode od maline pošto smo potrebno iskustvo stekli na manjim površinama zasada maline – rekla je Galićeva.

Mićić Savka iz Drinjače sa svojom porodicom ove godine podiže novi dunum malinjaka, i ističe da će joj ova pomoć puno značiti. Na novom malinjaku radit će porodica Mićić i ukoliko se posao bude razvijao u željenom tempu biće posla i za druge.



Ohrabrujuće je da je grad Zvornik odlučio da i nakon završetka programa, sve do 2020. godine, u saradnji sa korisnicama radi na razvijanju njihovih ideja i plasiranju proizvoda na tržiste.



POTPISAN UGOVOR O DODJELI GRANTA FK BIRAČ IZ DERVENTE KOD MILIĆA

PPMG je u ranijim mjesecima ove godine zaprimio zahtjev za podrškom Udruženju „Fudbalski klub Birač“ iz mjesta Derventa kod Milića.

Klub je tražio podršku u obnovi klubskih prostorija, te je PPMG dodijelio potrebnii građevinski materijal za renoviranje svlačionica i fasade na prostorijama kluba u Derventi.

Ugovor u vrijednosti od 2.000 KM potpisani su 6. 7. 2017. g.

Ovaj klub okuplja djecu povratnike bošnjačke i srpske nacionalnosti te im omogućava da kroz sport upoznaju međusobne razlike ali i sličnosti. Klub ima za cilj da kroz rad sa djecom različite nacionalnosti pokaže da je suživot i rad mogući i da se od malih nogu djeca trebaju učiti pravim vrijednostima ukoliko želimo da smanjimo međunacionalne netrpeljivosti u društvu.

Klub ima 92 registrirana člana, a većina ih je u mlađim dobnim kategorijama (pioniri, kadeti, juniori) iako klub ima i takmičarski seniorski tim.

VIŠE SREĆE UZ „KRUG LJUBAVI“

Udruženje građana „Srce puno osmijeha“ u julu je završilo sa realizacijom inicijative „Krug ljubavi“. U aktivnostima koje su tokom inicijative organizovane učestvovalo je 263 djece i mladih sa poteškoćama i njihovim članovima porodice, 193 djece hospitalizirane na Pedijatrijskoj klinici i 183 roditeljki/pratiteljki, te 184 tipične djece u periodu od 12 mjeseci realizacije projekta.



Članovi udruženja svojom klovnerijom uljepšavali su svakodnevnicu oboljelim mališanim smještenim na pedijatrijskoj klinici u Sarajevu.

Organizovane su i posjete JU Zavod za specijalno obrazovanje i odgoj djece „Mjedenica“, te putujuće predstave koje su gledali mališani širom BiH.

Dolazak ekipe putujuće predstave u Prozor-Ramu, Pale, Foču, Doboju mnogo je značio stanovnicima, jer je potreba za ovakvim aktivnostima velika a nema timova u lokalnim zajednicama obučenih za ove vrste animacije. U predstavama su uživala djeca sa poteškoćama u razvoju, ali i druga djeca iz lokalne zajednice, što je ovu aktivnost učinilo inkluzivnom.



USAID - Program podrške marginaliziranim grupama (PPMG)
Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.
Ul. 4. viteške brigade 34-36 • 71210 Ilidža • Bosna i Hercegovina
T: +387 33 778 766
F: +387 33 778 779
www.ppmg.ba